



周南先生墓碑

服部元喬撰

服部文庫

イ 17

2031



117
2051

周南先生墓碑

周南先生諱孝孺字次公一字少助山縣氏生于周
南海北邑因號周南考良齋君諱長白嘗以邑人事
長門公族女海北君初長門先侯青雲公為海北
君嗣子良齋君以師儒侍焉及公繼封長門侯從升
公朝移入荻府時以碩儒在公左右如初有三男長
文興君早卒先生以次子繼考業天性穎悟年甫齒
受句讀乃誦如流稍長輒通四子五經大義良齋君
課子弟學頗嚴常戒讀書樓上無故不得下先生強
力專精日夜在樓手不釋卷於是四部群籍百家雜

說涉覽之功殆遍年十九東遊師事物夫子夫子以
修古為本經義文章皆由是出時方始唱和者蓋寡
獨有滕東壁從焉先生至則大說其學與東壁相視
切刺夫子亦自稱得其人爾後物家之學日興從者
益盛遂至海內森然御風吾黨至今以二子羽翼傳
為稱首居東三年業成而歸正德三年韓使來聘
朝命其所經郡國例當饗賓使舟至長門封疆赤馬
關館焉侯乃遣諸文學待接先生與焉先生年尚少
而與韓諸書記應酬敏捷文才雋逸韓人大賞異之
對州兩伯陽亦擯賓座次交歡先生目以海西無雙

時

韓三使時先生所作至因伯陽格外請見先生詳見
問槎時賞及先生集中於是聲名籍籍著聞海內是
後侍侯及東侍世子讀侯朝覲則從東就國則從西
侯不欲先生離其側享保十三年良齋君卒先生居
喪極哀是歲亦嘗從東時喪期既闋然至哀之情不
能已乞假願竟志一年不許強起從焉歷仕泰桓公
觀光公間年西東蓋多歲矣寵待益隆先是先侯命
創建泮宮使國人子弟游處其中設師導廩諸生釋
采養老之禮以時大聚群書且六藝武技諸當教習
者悉備其中事皆稽古據式難以今制乃既巍然中

國而成名曰明倫館先生先已為庶獎順其事與議
其制於是崇化厲賢之道大行矣元文二年館祭酒
倉尚齋卒先生代督館事乃不復東既為祭酒益立
學規訓厲有方育英之效日月益進多世濟日誦
習禮弦歌之音不斷若山子濯田望之津士雅倉彥
平滕子萼田子恭仲子路魯子泉林義卿瀧彌八縣
魯彥秦貞父彬：輩出咸潤色先生業以學顯於世
其餘士大夫不必專學職而傑然成才知名者不可
勝計長門好學之俗雖其天性蓋先生教化之力亦
居多云先生為人愷悌易事其教喻也道而弗牽開

而弗達循：誘掖復其自己以放生徒樂群親師遂
致濟：之盛先生博聞之餘歷練時事其執經陪蒞
講筵或侍間燕啓沃諷諭陰畫匡濟之益或與大夫
有司出謀發慮忠告裨益臨斷大義則據獨見之明
侃，不可奪焉人盡敬服以喬所視其數東也同社
之交固弘矣先生溫厚不以所長加人毫無忌克遊
驩之際煦襟恢宏賞會言笑怡：如也皆無不推尚
其為長者者先生兼精國史譜學吾 邾典故諸家
閱閱皆能明辨嘗奉戾命選公室譜牒諸臣系譜他
所著行于世者有文集為學初問作文初問若干卷

延享二年得病經歲不已在禱八年自國相憂之
者百方求治不驗以寶曆二年八月十二日終年六
十六舉國莫不悼惜焉葬國城北古萩里保福寺初
配松村氏生泰恒元恒卒再娶長嶺氏生允升卒又
娶小野氏生子大小野氏卒最後娶綿貫氏生政恒
忠恒長泰恒字伯恒嗣餘皆出繼他族既而如恒具其狀遠
寓余託以墓銘事長門因富學士大夫余不可敢奪
其權且老夫廢業不能文矣足為重然既命矣顧久
辱兄弟之誼親好匪他今不可辭乃承其狀略叙始
末敢係以銘辭其辭曰致君以道師儒之得興學化
民維誰之力不有君子焉大具國德之不朽永言視野則
友人平安服之喬樞



